


La pastorâl dai paîs pičui



Grop di studi Glesie Locâl

1988

Presentazion	pag. III
La Cunvigne di Riu Vert	1
I païs piciui di Raimont Strassolt	3
Studi par une economie dal lavor pojade sul ambient e cul- ture dal Friûl de Alte di Gianni Gubiani	17
La pastorale dei paesi piccoli di pre Primo Degano	21
Rispueste a lis sedis domandis su la pastorâl di pre Primo Degano	28
Cjacaradis di Vençon	34
MENTALITAT DI PAÏS IN PUSITÎF IN NEGATÎF Vasinas cjalada dal di denta di Danilo e Giovanni Ridolfo e Alfio Schneider	35
ESPERIENSIS DI SOLIDARIETÂT IN TAL PAÏS L'esperiense di Maseris di Jacun Martinella	37
L'esperiense di San Jacum di Ruvigne di Attilio Buttazzoni	39
L'esperiense di Cjampeis di Giobatta Fabris, Ivana e Italo Chieu	40
L'esperiense di Vençon di Vera e Gjeme	42
LA RELIGJOSITÂT POPOLÂR IN FRIÛL Une femine di païs e dà une man in parochie di Maria Dapit	44
Il Vanseli al à une mûse e la glesie un'altrae di Massimo Vitti	46
Il païs fra Vanseli, glesie e vite di Giovanni Ridolfo	49
MANCANO I PRETI. DI CHI LA COLPA? di pre Primo Degano	52

1. JENTRADE

Magari cussì no, jo no ai una grande cugnussince dai problemas dai pais piciu dal Friul; no ai mai vut ocasion da fa ricerchs sociologichis sistematichis su chist cantin; che voress dì, fra l'altri, ancje fa ricerchis comparadis, parceche dome confrontant une realtat a che altre si rive a cognossile e a capì lis sos pecularitas. Ai fatis diviarsis ricerchis in Friul, ma mai propit sul teme di chiste cunvigne.

Chel che disarai vignarà, siceduncje, di dos fons. Le prime a è che dai studis che ai fat su chistis cuestions in gjeneral te suage de materie che insegni a le universitat, che jè per l'apont le "sociologie urbane e rural", valadì lis questions dai rapuars e difarensis jenfri citat e campagne, jenfri insedeamens granc' e insedeamens piciu. Chistis robis jo lis ai studiadis e lis insegni sul plan gjeneral e global, parceche chiste e jè le funzion de scienze. Lis aplicazions a nivel local, lis verifichis des teoris su lis singulis realtas, e vegnin dopo.

Le seconde jè che di une persone che vif in tun pais piciu, che cognoss altris di che sorte, che à simpri vut une ciarte curiositat, un interess, un amor par chistis realtâs, e che siceduncje a riferiss de sos esperienzis personalis e diretis.

2. PARCE' I PAIS SONO PICIUI?

Sui 200 comuns dal Friul (GO-PN-UD) cirche le metât podin jessi classificas tanche pais piciu, valadì sote di doimil personis (chist al è un dai criteris statistics plui pandus e acetas tal mont). Ma si devi subit zontà che ancje in chist cas lis statistiche, cjapadis rudis, e son bausaris. Come ognun sa, in Friul i comuns son par solit une realtat amministrative artificial, fas su di tantis frazioni o borcs separadis. Cualchi comun and'à a dozenis, massime in montagne. Probabilmentri, invece di contà comuns e frazioni, doveressin contà lis parochis, che son un mior indicator de esistenze di une comunitat organizade, cussiente di se e de sos differenzis cun che altris.

Tropis sono lis parochis dal Friul? Cuale ise le lôr dimension medie? No sai; provaressi a stimà su lis 600 personis. Chist, fra l'altri, al è ancje il numar proferit di cualchi sociolic come misure medie de dimension de "piciule comunitat", dal "villaggio", dal pais, in dute Europe e in dut il mont. Come che ai mutivat, diviars sociolics e geografos e statistics a disin che il concet di "pais" o "insedeament rural" al corispont a une game dimensional di 200 a 2000 personis (ancje se e son ancje di plui piciu e plui granc') cun tune medie, apont, di 600. Il Friul, se le me stime su lis parochis e ten, al varess siceduncje une struture dai insedeamens rurai unevore tipiche di dute Europe e dut il mont.

Cemut si spieghie chiste regolaritat che si pant cussì visibilmentri a cui c'al svuale col arioplano parsore di un teritori (agricul)? Parcè i pais tindino a vè, su granc' spazis, duc' le stesse strutture urbanistiche interne, duc' su par ju le stesse grandece, e sono disponus a interval regolars un dal altri?

Prime di rispuindi a chiste domande, viodin tropis altris manieris che son, tal mond, di organizà le presince umane sun tun teritori (agricul).

~~Se vāis ta Basse Italie, dal Lazio in jù, cjatais une struture dutafat difarente: podes viazà a lunc, in montagne o ancje in zonis di culine o planure, ben cultivade, cence ciatà nissun abitat; dome ogni tanc' chilometros, in cime a un cuel, si viod un paison o une citadine, di plusiors miars di abitans. Sicheduncje, une struture insediative concentrate a mais une vore largis, e gropis grues. In chisc', inse-deamens ancje di vinc' o trente mil di lor, e stan i contadins.~~

~~Se vais tal Middle West merecan, ciatais une struture dutafat difarente: ches imensis planuris a son stadis dividudis in granc' cuadras, come une zùc di dame; ogni cuadrat al è une aziende di diviars centenars di etaros, e in miez a ogni cuadrat sta il centro aziendal cun dutis li sos atrezaduris, comprindude le cjase dal "farmer". Ogni tanc' ma tanc' chilometros al è il centro da comunitat, cun cualchi servizi public -glesie, buteghe, ostarie, ufizis, e c.i.- in dut, pocis desinis di costruzions. In altri paraulis, chi si à il plui grant sparniciament de insedeament tal spazit; al è fin dificil fevelà di pais.~~

~~Se vais in cualchi zone ecezionalmentri fertile dai pais cials, podes ciatà, al contrari, un insedeament cussì fis, cun gropus di cjasis misturas a tocus di ors e pomars, che butin tant che bastin pos metros a mantigni une famee, c'al è dificil di distingui un pais di chel'altri; al è come se dute le zone foss dut un paison, ma dulà che le campagne no jè ator a pleton, ma frussonade drenti.~~

~~In altris zonis ancjemò, massime tai pais cials colonizaz, si pol cjalà un model ancjemò difarent: il teritori al è dividut in proprietas grandononis, di miars e ancje centenars di miars di etaros ognidune, sot di un paron sol; e dute le int che le labore -magari centenars o miars di personis- a son operaris, sotans, quasi sclas, che vivin duc' insieme, in quartirs furnis dal paron, tai centros aziendai. Chist al è il model de grande aziende capitalistiche-latifondistiche ben cognossude fin dai temps di Rome e ancjemò une vore pandude in pais tanche il Centro e Sud-Americhe. Ma esemplis simii si ju veve ancje plui dongje, tal Meridion, in Lombardie (il sisteme de "cascine", dulà che desinis di fameis di sotans vevin i soi "apartemens" insieme, ator dal bearzon, dongje dai stalons, cjasis, vile padronal etc.).~~

Esemplis di chist tipo di colonizazion si jù à ancje plui dongje di no, te zonis bunificadis dal Votcent in ca; il spieli plui imponent al è chel da aziende ex-Saici, cumò Torvis (di Raul Gardini), cun plui di 5.000 etaros e cualchi dezine di operaris. Ancje in chisc' cas al è dificil fevelà di pais; chisc' centros a son pluitost "viles" tal sens latin, o "fatoriis" tal sens inglés di fabrichis.

Al Tor i centros aziendai vegnin clamas "agenziis" e nissun si insumie di clamau pais, ancje se un plui grant, al à il non di "villaggio" ("Villaggio Roma"). Par che si podi fevelà di pais bisugne che sedi une ciarte pluralitat di fuarcis e di podés.

Parcè chiste varietat di struturis di insedeament rural? Al dipint, l'è clar, di diviars fators storics, geografics, e c.i., che no podìn esaminà in detai in chiste sede. Baste ricuardà il plui impuantant di duc', valadì i rapuars socio-politics ienfri i parons e i lavoradors, le distribuzion dei proprietat, lis tecничis di lavorazion e sfrutament de tiare, e c.i.

Viodìn pluitost cemut che si pol spiegà chel model di insedeament che o vin dit tipic dal Friul come di tante part dal mont "occidental", da Europe di miez fin a lis cuestis dal Atlantic setentrional, e valadì il model dai pais di qualchi centenar di abitans, plui o mancul compàs, e lontans pocs (tanche i dês des mans) chilometros di campagne un di chel atri.

Chiste strutture di insedeament dipind da interazion di fators tanche:

1. une strutture social-istituzional fondade su une ciarte autonomie dai individuos e des fameis; e cuindi dulà che no jè sclavitut rude, ma un ciart nivel di libertat civil; dulà che lis fameis podin sielgi dulà insedeasi, podin colaborà insieme par meti-su istituzions coletivis -in prin luc le glesie- e c.i.;
2. une agricultura fondade sul lavor dal grop familiar, e cuindi su le coincidenze tra famee e aziende come unitat di base; nuie cuindi organizazion coletivistiche e sclavistiche tal lavor. Chist no ul dì che al disore dal nivel des aziendis familiaris no sedin nivei superiors di organizazion e sfrutament; che lis aziendis familiaris no sedin nivei superiors di organizazion e sfrutament; che lis aziendis familiaris e i pais intiars, no sedin di proprietat, o sot il control di parons (par esempi nobii o gleseastic). I rapuars jenfri il nivel di fameis contadinis e i parons podin jessi unevore varias (afit, miegis, colonie miste e c.i.) ma no rivin mai, par definizion, a rapuars di tipo "sclavistic" o di "fabriche" (organizazion minude, de part dal paron, di ogni aspet e moment dal lavor e de vite);
3. une agricultura fondade sun tune varietat di prodos (policulture) e in particolar su le integratzion cu l'alevament di nemai, che furnissin no dome mangiative e lavor, ma ancje -impuantantissin- il ledan par mantignì cence fin le fertilitat da tiare. Cence di chist, nol è possibil le stabilitat dal insedeament, acumulazion di capitai;
4. une agricultura fondade sul lavor muscular dal om e dai nemai; valadì, une agri-colture "a man e a pit" (e schene);
5. un ambient di medie produtivitat (cence lis pontis dai pais subtropicali) e cun tune ciarte bondance di aghe.

Se si verifichin chistis condizions, lis fameis contadinis tindaran "naturalmentri" e "inevitabilmentri" a distribuisi sul teritori ta maniere che vin dite, belancant dos fuarcis principalis e contraris:

1. ches che le partaressin a sta ognidune par cont so, tal mieç de tiare che labore, par minimizzà i temps e lis faturis dal spostament continuo dal puest di polse e riproduzion (le cjase, ma ancje il depuesit, lavorazion, e c.i.) al puest di vore e produzion

(il cijamp);

2. ches che partaressin lis fameis a sta dutis insieme, par mutifs di compagnie, di sigurece, di parintat, di jutori une cun che atre, par comunitat di accedi ai "servizis centrali e coletifs" (ostarie, glesie, buteghe, e c.i.).

Christis dos fuarcis a' lavorin in maniere differenziade, seont tanc' fators "ambientai". Dulà che preval un sens di sigurece, di autonomie individual, prevalerà il sparniciament; al contrari, dulà che si à plui bisugne di difese e compagnie, prevalerà le concentratzion. Dulà che il teritori l'è plan e dut ben coltivabil, i insedeamens saran une vore regolars; dulà che, come in montagne, si à di sfrutà ogni blec di plan, l'insedeament si fruzzonarà in tanc' grumùs di cjasis, di lunc lis valadis o su lis cuestis. Ancje le distribuzion des aghis influence il model insediativ; dula che'nd'è par dut, l'è favorit chel sparniciat; dulà che par vele bisugne fa cetantis faturis par scavà un poç o partà canai, l'è favorit chel concentrat. Un fator impuantant, naturalmentri, e l'è le struture de proprietat e dai rapuars sociali e istituzionali di produzion; ma ancje i caratars etnics e psicologjics introdusin variazions.

A son popui, come i meridionali, che somee che no podin vivi se no in grande compagnie, tal scjass de fole; e son altri, come i giarmanics e scandinavos, che somein preferì l'isolament individual e familiar. Cussì, ta colonizzazion de Americhe, i meridionali si son ingrumas te grandis citas, i nordics si son sparnizaz te prateriis dal Middle West. I furlans somein jessi belancias jenfri chisc' estrems.

Duc' chisc' fators àn lavorat, tal spazit european (e sichehduncje ancje furlan) par dos etis avonde lungis di formà struturis insediativis avonde stabilis e coerentis: che da ete romane e che da ete medioeval e moderne. Le prime jè stade sdrumade tai secui "oscurs" cui granc' savoltamens di popui; le seconde à scomenciat viars il Mil e jè stade une vore trasformade dome dal ultin secul o secul e mieç e, in Friul, tai ultins trente aign.

Chi vin di tignì amens che le nestre civilitat jè stade, par cuasi mil aign, une civilitat fondamentalmentri agricule. Ciscjeli e citaz son une ecezion; le part grandonone da popolazion -fin l'otante o novante parcent- ere fate di contadins, e viveve in campagne, tai picui pais. Tal 1870, 3/4 dai furlans erin contadins; ancjemò tal 1950, erin cuasi le metat (43 %). Le struture dal insedeament par cuasi mil aign, jè stade determinade fondamentalmentri des fuarcis leadis al mont agricul. Le part grandonone dai pais si son formas tai prins secui di chiste ete; dopo si son, salacor, dome ingrandis o articulas in gnovis borgadis (lis "Vilis gnovis"). Il Friul al è stat, fin a poc temp indaur, une region di pais picui parce che l'è stat une region contadine.

3. DI PAIS CONTADIN A CUARTIR RESIDENZIAL METROPOLITAN

terministic, "natural", de interazion di fuardis economicis-socials (storichis) di une bande, e ambientals (geografichis) di che altre. Ma se fos dome un risultat, une "sore-struture", dovaress gambià, ancje di fonde, cul mudà da economie, dai rapuars di produzion, das tecnichis produtivis. E cussì, se une societat passe di une economie agricule a une industrial, e po dopo a une economie "terziarie" o "dai servizis", dovaress mudà di fonde ancje le so struture insedeative. E chist al è sucedut di fat in chei pais, come le Inghiltiare, i Stas Unis, ciartis zonis de Europe centro-occidental (Lombardie e Piemont comprindus) dulà che le industrializazion e jè rivade adore e à partat granc' savoltamens no dome sul plan economic, social e politic, ma ancje su chel dai insedeamens. Lis citas industrialis son incressudis in maniere "implosive", supant int de campagnis e in tanc' cas lassant lis campagnis quasi vueidis e bandonadis (massime in Inghiltiare tra '700 e '800). In Americhe, dulà che lis fuardis dal industrialisin capitalist àn vut plene libertat di davuelgisi cence vincui storics e sociali, pais e citas nàssin, cressin e vegnin bandonas e murin seont lis roudis conveniencis de economie (lis "citas fantasimis"). Opur e vegnin sdrumadis e tornadis a fa su, cence rivuart di "preesistenzis"; fin a poc temp indaur, no esisteva là il concet di "centri storic", degn di jessi rispettat e mantignut tanche testemoneance dal passat; chel che contave erin dome lis conveniencis economicis dal presint.

In Europe e in Friul, dulà che i insedeamens e son cressus planc a planc, tal cors di mil aign, a pass cu le lente evoluzion de agriculture, de economie, de demografie, de societat, i insedeamens àn simpri vut un valor e une fuarce proprie; no son dome determinâs da fuardis economicis e socialis, ma in cualchi misure lis determinin.

Massime tal ultin secul, e tai ultins aign, si à pandut le cussience che la struture dai insedeamens, ereditas da storie, al è un valor in sè; che lis fuardis de societat e de economie devin jessi regoladis in maniere di no savoltaiu ma, salacor, di rinfuarià e salvà le struture insedeative tradizional. In particolar, si è pandut l'idee che l'è just mantignì in vite i picui pais, ancje se le fuarce che ju veve prodòs -le societat contadine- no esist plui, e tal so puest si à ormai difondut pardut une societat ~~dal~~ ^{che} dut diviarse: che industrial e post-industrial.

Chiste jè une idee avonde gnove. In part e ven de reazion cultural, plui o mancul romantiche, cuntri i orors dal industrialessin e da urbanizazion dal Votcent; in part e ven da osservazion che l'omp, par no "alienasi", al à bisugne di tignisi leat a une comunitat, a un luc; l'è il problem dal "istint teritorial", des "lidriis", dal patriotisin local (localisin).

Un'altra font di chiste idee l'è il principi di equaliance, che, aplicat ai fenomenos dal teritori, devente chel de "justizie spazial" o "ecuilibri teritorial". Ta societas modernis no si cjate just che cualchi luc, cualchi citat o region, si disvilupi esageratamenti, a scapit di altris lucs: i pais, lis campagnis, lis periferiis. Chist al è deventat un dai principisguide de politiche e de planificazion dal teritori; e compuarte il tentatif di salvà lis struturis insedeativis esistentis.

Ma chiste idee no varess probabilmentri podut pandisi a tal pont, se te societat moderne si varessin creadis lis condizions tecniche-economiche par rindile pussibil, realizabil. E chistis condizions e son, in prime linie, il motor electric, il motor a combustion interne, lis comunicazions eletroniche.

Le prime industrializazion ere basade su le cjalderie a vapor, che domandave fabriche grandononis e grande concentrazion di int de citas. Il motor electric e chel a sclop permetin le difusion di fabriche di ogni grandece; auto e telefon e permetin ancje di metilis dulà che si ul, ancje pe campagnis, parceche no jè plui necessarie le vicinanze fisiche ai marcas (de materis primis, dal lavor, dal smercio). In altris paraulis, le prime industrializazion ere leade di stret cu le cressite dai granc' aglomeras urbans; par podè ciatà lavor tes fabriche, le int doveve lassà i pais e campagne e là a sta in citat. Cun le seconde industrializazion, chist nol è stat plui necessari. Le int à podut lassà il lavor agricul cence emigrà o inurbasi, ma ciatant le fabricute in pais o "pendolant" (prime in biciclete, po' in "vespa", infin in automobil) viars lis fabriche e fabricutis dulintor.

Chist al è il fenomeno tipic des areis di "seconde industrializazion", scomenciade ai prins di chist secul e aromai gjeneralizade, tai pais occidentai, tai ultins trente o quarante ains. In Italie a jè le realtat socio-economiche-insedative tipiche da "Tiarce Italie", chè che si à industrializade dospò da ultime guere, che jè caraterizade da industrializazion sparnizzade te campagne, e che cjapec drenti -scomenciant dal bass- le dorsal adriatiche, l'Italie central (Umbrie, Toscane, Marche), le Emilie Romagne, il Venit e finalmentri, il nestri Friul. Par ripeti, e jè le aree dulà che l' "esodo agricul", valadì le diminuzion dai adess a le agriculture, nol à compuartat (o no tant) ancje l' "esodo rurale", valadì il bandon dai pais. Le strutture insediative tradizional à podut mantignisi in cualchi misure ancje cul complet mudament das condizions socio-economiche. Di pais di contadins a son deventas pais di operaris e impiegas; di centro di vite total-tal sens che rispuindevin a dutis lis esigenzis di vite, in mut che un podeve benissin passale dute lenti, cence bisugne di viazà- si son mudas in centros residenziali, dulà che si duar, si passe une part dal temp libar; ma che pòdin vivi dome se le int pol spostasi di continuo, e cun comoditat, par là a vore altro o par là a fa spesis tai supermarcias, o tai ufizis administratifs, o ai divertimens. Valadì, pòdin vivi dome parceche no son plui isolas e autosuficiens, ma son une part, un "sotsisteme" di un sisteme social plui grant. Anciemò, in altris paraulis, i piciu pais e son deventas quasi cuartirs residenziali decentras di un sisteme urban -metropolitan che aromai inglobe dute le societat, le popolazion, il teritori- e che pol funzionà dome parceche esistin lis infrastrukturis stradalas, le motorizazion private e publiche, lis rès des comunicazions eletroniche.

Va dit, naturalmentri, che le "industrializazion scomenciade" no jè stade determinade dome dal fator tecnologic (ch'al permet, ma no impon nuje), ma ancje di altris fators sociai, culturai e politics, che no podin analizà chi; ma baste

Viodude dal arioplano o su le cjarte geografiche, le strutture insedeative dal Friul di vuè no somee tant difarente di che di cinquante ains fa. Ma le so maniere di funzionà e jè mudade di plante fur. E chist si pol viodilu se si sbassìn di quote, o se cjalìn cjartis a scjale plui grande. Alore si viot che tantis cjasis contadinis e borcs plui piciu e fur di man e son stas bandonas, massime in culine alte e montagne, ma che le plui part son stadis trasformadis in cjasis "civilis" (valadì urbanis, in contraposizion a ruralis-contadinis); no son plui stalis e lobis e cjasis, ma che tai ors e tes tavelis plui dongje son stadis fatis-su cjasis di tipo dutafat difarentis di chel tradizional -vilutis, cjasis a schirie, condominios-; che un poc pardut si viot capanons di ciment e eternit, sei di fabrichis sei di aziendis agriculis modernizadis; che le stesse strutture dal paesac rural e va mudand-vie lis cisis, lis stradelis, lis divisions minudis, che corispuindevin a une agricultura familiar, policultural; al so puest, lis formis grandis e geometricchis de agricultura industrial. Aromai ancje tai pais, i contadins (o miei i "imprenditors agricui") a son si e no il dis parcent (invece dal 80% di un secul indaur).

E come che son mudadis lis condicions socio-economichis e architetonicis-urbanistichis, e son mudadis ches culturalis. Le int dai pais piciu jè infonda-de tal stess fluss di informazions come che dai granc', o de citas; lèi i stess giornai, sint le stesse radio o television, va te stessis scuelis, ricev lis stessis circolars da organizazions (di lavor, sindacalis, puliticis, e c.i.) che j partegn.

4. INTERMIEÇ: RECLAM A LE INFINIDE VARIETAT DAL REAL

Il discors al laress unevore articulat e aprofondit, si capiss; ma no podi scrivi chi un tratat di science dai insedeamens, o di sociologie urbane e rural. Cuant che tanche cuadri di riferiment temporal si àn mil aign di storie, e cuadri di riferiment spazial dute le societat occidental -come ch'al è dovè e nature da sociologie- par fuarce tocje essi schematics e lassà fur tanc' particolars. Ancje limitansi al Friul, in mil aign si à vut tanc' mudamens tecnics, economics, istituzionai, culturai; il piciu pais dal 1100 al ere unevore difarent di chel dal '700 o dal 1950; il contadin furlan dal '500, pront a fa le rivoluzion, al ere difarent di chel dal votcent, che invece l'à sielgiut le strade da emigrazion; le impuantance da diviarsis istituzions -e in primis Glesie e Stat- à unevore gambiat, tanche il rapuart jenfri classis socialis, l'impuartance da culture scrite, e c.i. Per esempi zà tal votcent, cul treno e lis nafs a vapor, ancje i contadins àn podut o dovut movisi avonde, le economie rural à dovut passà da autosuficienze al marcjat viart, e c.i.; dutis robis che an savoltat avonde il mut di jessi ancje dai piciu pais. Ma chel che mi prem di evidenzià al è che i mudamens dal ultin secul, & anciemò plui dai ultins trente aign, a son stas, a duc' i nivei, plui granc' e di fonde di duc' chei dai mil aign di prime. Un contadin dal Mil si sares cjatat ancjemò a vonde a cjase so in un piciu pais furlan dal 1950; nol capiress invece nuje di cemut che funzione le societat dal 1987.

Par chel che rivuarde lis variazions sul plan geografic, ancje chi saressintantis precisazions di fa, ancje in tune region piciule come il Friul. Le societat cjargnele, cun le so agriculture cussì ristrete, à dovut zà di secui cjatà fons di sussitenze difarentis, che pàrtin a une difarente struture insediativè e social zà plui dongje di ches industrials (minieris, lavorazion dal len e dal fier, tjessidure, etc.) o di ches pre-agriculis (lavor tal bosc, tes malghis); e à dovut ancje, di secui, adatasi ad une fuarte mobilitat periodiche, cuasi un pendolarisin (migracion stagional, nomadisin professional di marcjadans e altris). Zà di temp, cuindi, le dinamiche dai insedeamens cjargnei rispuint a fuarcis diviarsis di ches agriculis; par tanc' oms e son stas pais di residence temporanee, plui che di vite e lavor. Ancje te Basse, sot da linie des risultivis e a or da marine, le agriculture ere unevore impeditide, e l'insedeament risintive di altris fuarcis; cussì i pais de linie Puart-Latisane-Palaciul-Muzzane-S.Zorz-Cervignan si son disvilupadis te storie, plui in riferiment a le navigazion fluvial che a le agriculture; e il popolament di chistis zonis al à cjapât pit dome dal ultin secul, in seguit a lis grandis buntifichis, e le so struture insediativè (e cultural) e jè unevore difarente di che dal Friul di Mieç. In Cjargne si àn vut, storicamente, formis avonde avanzadis di autonomie local, di vite coletive (i famos "comuns" o "comunitas"), leade ancje al sfrutament, inevitabilmentri coletif, di risorsis come il bosc o i pras di mont; te Basse si àn vut pluitost formis socio-economichis e insediativis di tipo "capitalist", agro-industrial, di colonizzazion esterne. Tal Friul di mieç si àn vut, par tanc' secui, il prevalè dai rapuars di tipo feudal. Dutis chistis particularitas si rifletin ancje te struture dal insedeament, e cuindi tai caratars dai piciui pais; in tantis manieris che no si pol ni descrivi ni spiegà in chistis paginis. Baste concludi che le struture unevore minude e sparnizade e iregolar de Cjargne, che unevore regolar, a centros compass e numeros dal Friul di Mieç, racuels ator de viliis paronalis, e che sparnizade da Basse, no son dome l'efet di diviarsitas di ambient fisic, ma ancje di istituzions socialis; e che, sul plan cultural e ideologic, il socialisin de Cjargne, il "blanc" dal Friul di Mieç e il "ros" de Basse no son casuai, ma rifletin ches condizioni istituzionalis; e che parimenti nol è un cas che le Cjargne e le Basse a vebin stentat, in chesc' ultins aign, a disvilonà une vivarose imprenditorialitat interne, come che invece l'à savut fa il Friul di Mieç. Torni a dì, dutis chistis interdipendenzis jenfri fators fisics-naturai, tecnics, economics, istituzionali, pulitics, culturai e, infin, insediatifs, e son unevore cumplicas; ma l'è possibil, vint il temp, dimostrà che struture e culture dai pais piciui -il teme dal nestri discorsi- no son a cas, ma il prodot di dinamichis eco-sociologichis precisis; e che lis differenzis jenfri di lor -ogni pais al à parciars aspies compain di chei altris, e par altris aspies difarent- no son casuals, ma pòdin jessi riconducusdis a precisis differenzis te costelazion des fuarcis eco-sociologichis (valadì geografichis e storichis).

5. I PAIS PICIUI: ASPIES SOCIAI E MORAI

Il 99% dai umign che an vivut fin cumò, lu an fat te suage de "piciule comunitat" fate di nosis decisios e contapars di personis; oltre il 99% ci sorcupula

cje se chiste jè une condizion esistenzial, une forme di vite, che a lassat olmis unevore fondis te psicologie e te culture. Esist une categorie mental, un model ideal, une ideologje de piciule comunitat contadine, vecje tanche le civiltat (valadì le citat). Zà ai temps di Abram e di Esiodo si maludive i mai de grande citat, e si laudave le gionde dal pais, le bielece de campagne. Dute le literadure e le filosofie, tanche classiche che moderne, and'è plene; e ancje le sociologie. Si capiss, esist ancje il so contrari, l'esaltazion de bielece, de potenze, des virtus de citat, luc di civiltat, di progress, di razionalitat; e di critiche a le campagne, luc di ignoranze, di restà-indaur (paganesin), di "idiozie". Chiste è je une dialetiche eterne dal spirt uman. Ancje in dì di vuè le robe jè unevore dibatude in tiarmins, di une bande, di "piciul al è biel", di tornà-indaur a le campagne e ai pais; e di che altre bande, di esaltazion dal progress, dai "granc' sistemis" a nivel global.

Crodi che chiste dialetiche si vedi dibatude simpri ancje in grim da glesie e da religion cristiane; ancje se no olsi profondi il discors, par teme di dì eresiis; ma crodi che le tension jenfri simplicitat evangeliche e prudenze istituzional, jenfri popul e gjerarchie, jenfri bass e alt clero, jenfri comunitat di base e istituzion, e c.i. podin jessi riformulas ancje in chei tiarmins di piciul e grand, di pais e citat, di localisin e universalisin o, come che si dis in lengaç sociologic, jenfri "Gemeinschaft" e "Gesellschaft".

Cemut si puelial riassumi in struc un dibatiment plurimilenari, ch'al jemple intiaris bibliotechis? Provìn.

Si dis che il pais (piciule comunitat contadine) al è plui "natural" no dome parceche difat al è stat il quadri di vite di quasi le totalitat dai oms, ma parceche permet un rapuart diret, atif, continuo cun la nature. E chist al è cence altri ver.

Si dis ancje che al è plui uman (o "a scjale umane") parceche permet le cognussinice reciproche, profonde, personal, jenfri duc' i abitans. I rapuars e son plui "autentics", "a plen". Ta grandis aglomerazions di int, no si rive adore a cognossisi duc', no si à temp, i rapuars deventin "segmentaris", "secondaris", "funzionai", "utilitaristics", e c.i. E ancje chist al è just. Però bisugne ancje meti in cont che chel tipo di rapuars no àn dome aspies pusitifs. I piciu pais, dulà che duc' e san dut di duc', no son a favor de libertat individual.

Te piciule comunitat, dulà che i murs a son trasparens al control public, in forme di peteç e mormorazions, ven a mancjà le intimitat, le "privacy", che somee che sedi une dibisugne e un dirit profont da persone umane. I antropolitics àn dimostrat che ancje ta comunitas primitivis, dulà che duc' stan e ancje duarmin simpri insieme, i singui àn ogni tant bisugne di ritirasi, di sta bessoi, lontan dal voli coletif.

Il control social continuo, minuzios, capilar, pol comprimi il libar disvilup personalitas in cualchi maniere diviarsis, "deviantis"; al impon il conformis le uniformitat. Chist l'è l'aspiet de piciule comunitat che si preste a essi dopra in sens opressiv. No par nuje, tal cjalderon ideologic di ogni totalitarisin moderni ciate cualchi nostalgie pe piciule comunitat: cussì il comunisin, che no par cas l'à gjenerat Stalin; e cussì il romanticisin, che no par cas l'à gjenerat nazionalisin e il nazional-socialisin di Hitler. Ma, se volin, forsi ancje cualtentativ dai secui precedens, di plasmà le interie societat sul model de piciule comunitat, in non de religion veve partat a une specie di proto-totalitari gleseastic.

In tiarc luc, si dis che le piciule comunitat permet no dome le cognossice, ma ancje il stabiliment di rapuars personali plui fons e stres, parchee fond sul "sanc e le tiare", sui leamps di parintat, inevitabil, cuanche no l'ere favê ocasion di sposasi fur di pais, e di convivenze jenfri lis stessis cjasis, strad cjamps. Chisc' rapuars deventin ancje rapuars di solidarietat, di responsabilit e jutori vicendevul, di identificazion colette, di moralitat, di fradeance. I ancje chi bisugne visasi ancje dal aspiet negativ di chistis robis. Intant tia e sanc son robis materealis, e une moralitat fondade su di lor pol jessi manc pure e alte di che fondade su leamps plui spirituai; i rapuars di parintat e pais riscjn di misturà interess e valors, di la a scapit dal "universalisin", di par a formis di nepotisin, clientelisin, mafie. Cumplui, riscjn di alzà paladis cuint chei che an sanc e divignince difarente, di partà a siaraduris ciampalistich e razzistis.

Infin, e forsi chiste jè le critiche plui interessante e forsi mancul comu i leamps fuars, di sanc e parintat, podin partà no dome a fuarte solidarieta e amor, ma ancje a parimentri fuartis lotis e àssis. Nissun odio l'è plui fuar che tra fradis o tra ex-amans. E di fat si sa che lis comunitas tradizionalis erin par nuje chel idilio di armonie che cualchi volte si pense; erin plenis lotis drenti lis cjasis e tra lis fameis, di ostilitat tra stradis e borcs; da spes dome le antipatie par "chei di fur", podeve superà che tra "chei di drenti"; le sapiense popolar, sedimentade tai sprocs, e jè plene di riferimens a chisti profondis liniis di conflit (come, par talian, "fratelli-coltelli, parenti-serpenti o "chi ha terra ha guerra"). Par cuntri, te grande aglomerazion, dulà che s cognossisi e si praticisis poc, forsi no si si volarà un gran ben, ma nancje s à tantis occasions e mutifs di odeasi. Palau^g, al è plui facil stabili rapuars di colaborazion "strumental", "utilitarie" jenfri personis che an fra lor leamps "debui" che "fuars" (sanc e tiare). Chist al ul dì che il piciul pais l'è mancu in condizion di fa-su struturis socialis "secondaris", che son plui impuantanti tal mont moderno (tipo lis societas comercialis, etc.).

Ma chiste dificoltat da piciule comunitat di svilupasi a jè ancje leada a doi altris fators: chel, zà mutivat, da tindince a no sopuartà i "diviars", i no conformiso', e quindi i insatissimamente.

stagnazion. Cunplui, pe sôs stessis piciulis dimensions, il pais par solit no rive a produsi avonde varietat, avonde personis cun gusc', interess e inclinazions gnovis; chei pocs che an chistis tindincis, a son costress -ancje se il pais no ju sburte- a la in altrò a cirì chei come lor. Sicheduncje ancje lis piciulis dimensions a son leadis, diretamentri, a le stagnazion.

Par cuntri, tant plui grant al è un insedeament, tan plui facil che nàssin gnuvitæ, che lis gnuvitæ si cumbini jenfri di lor e partin a inovazion socio-cultural, di svilup, progress, e cuindi atirin altre int, e si incressin ancjemò seont un dai circui "virtuos" (o "viziøs", dipend da pusizioni di valor) plui impuantanz da storie da l'umanitat e dal ecosisteme.

Ancje in chist ciapitulut, plui tipicament sociolic, sicut zà ta chel sul insedeament, ài scugnut ricorri a modei teorics umevore gjeneral; e ancje chi devi scusami, e protestà che chiste e jè le funzion e le nature de scienze (social e no social), e che saress necessari, se varessin temp e spazit, di passà a applicazions plui puntualis e di detai, su le realtat furlane; e cuindi a une mior articolazion e precisazion dai modei.

Une aplicazion forsi di particolar interess, in viste dal contest ~~"pastoral"~~ dulà che chist discors ven fat, riguarda il rôl de religion e dai predis te piciule comunitat. Il principi da uniformitat al impliche che ogni piciule comunitat apartegni a une sole culture etniche, e cuindi -di regule- a une sole religion. Cunplui, pes particolars condizion di vite tal mont contadin tradizional, religion e glesie son le struture fondamental e dominant. Dute le vite de comunitat jè regolade, scjandide, segnade in chist sens; comunitat economico-territorial (ecologiche), social, cultural, pulitiche e religiose tindin a coincidi. Di chi le impuantance central da figure dal predi, dal plevan, che l'è un dai pocs elemens di articulazion di piciule comunitat cun le societat plui grande che le involuce; e che, Jessint un dai pocs in pais che l'à une ciarte culture, al fas di trasmetitor, interprete, critic e comentator dai fas dal mont; ma ancje di ufizial di guviar, di mestri di scuele, di administrador e razunir e impreditor de economie local, di asistent social, di sensal di gnozzis, di consulent familiar, di miedi, di animator di iniziativis coletivis di ogni fate, e c.i.

Chiste centralitat dal predi e da religion, tipiche de societat tradizional e dal piciul pais, in ogni part dal mont, and'à ancje jè i soi aspies pusitifs e negatifs, sot diviars pons di viste. Ma jè ancje une des robis che jè stade plui radicalmentri savoltade, cul passaç a le societat industrial e post-industrial, valadì al piciul pais come "cuartir decentrat dal sisteme metropolitan". Le "crisi" des communas parochialis no l'è che un aspiet da radical trasformazion de comunitat local.

Tornant al discors gjeneral, chel che mi premeve meti in clar al è che

le piciulece da comunitat nol è simpri e dutcas un ben, come che une ciarte tradizion "evangeliche-romantiche" pol fa crodi. Ma chist nol ul ciart dì abrazà le contrarie tradizion "urbane", "civil", "cosmopolitane" e "progressiste", pa la cual il piciul pais al è dome luc di ignoranze, conformisin, stagnazion, aretratece, miserie material e spiritual (paganesin), reazionarisin pulitic, e c.i.

Compit da sociologie, come di ogni scienze, al è di analizà criticamentri duc' i aspies da realtat; al è in altri momens de proprie vite intelectual e pratiche che si pol e devi pronunzià judizzis di valor sogjetifs.

6. CONCLUSION

Pensi che ognidun che mi scolte o lei a sedi in condizion di aplicà chisc' modei teorics a le so realtat esistenzial e esperienzial, verificaiu, precisaiu, criticaiu.

Il concet fondamental al è chist: une volte il piciul pais al ere une realtat, in linie di principi, autosuficiente e autonome; al ere un organisin par cont so, ben integrat tal so interno e ben differenziat dal esterno. A vuè, il pais piciul e jè une celule, une part di un organisin plui grant, che ta so dimen sion concrete, territorial, podìn clamà sisteme metropolitan; e ogni sisteme metro-politan al è part da societat mondial. Une volte lis dinamichis dal pais piciul a erin pal plui endogenis; cumò ce ch'al sucet tal pais piciul al è determinat quasi completamenti da fuarcis esternis, dal sisteme metropolitan e mondial.

Chiste dipendenze dome in part jè visibile sul teritori: stradis, eletrodòs, infrastruturis di ogni sorte lèin fisicamente ogni pais al sisteme. Ma le plui gran part son invisibilis, o visibilis dome in maniere indirete: e son i fluss di comunicazion e informazion, de monede a le corispondence e, massime, a lis ondis elettromagnetichis de radio e television. Le culture e lis istituzions àn filat un tjessut invisibil ma fuartonon, che involusse ogni persone, ogni grop, ogni comunitat in tune ret distindude su dut il mont. Ogni pais l'è un cuartir di une citat mondial.

Chiste realtat jè un poc scuindude, in regions come il Friul, parceche le forme fisiche e le distribuzion dai pais di vuè no son dal dut differentis di ches di une volte; chenti l'avent dal sisteme metropolitan no à savoltat dal dut le strutture insedeative, par diviarsis resons. Ma se ientrin ta cjasis, e scavìn sot lis stradis, podìn tocià cun man che ogni insedeament, a vuè, al è colegat in mil manieris, ancje fisicamentri, cun duc' chei altris, cul sisteme metropolitan, cul "ecosisteme artificial mondial". Lavorin materis primis che vègnin di dut il mont, mandin i nestris prodos in dut il mont, si scjaldin cul metano de Russie e de Algerie, si nodrin di materis e informazions che nus rivin di ogni bande dal mont.

conseguenzis negativis su ogni plan (e 'ndè tantis: omogeneisations, massificazion, piardite dal sens di comunitat, des diviarsitas, dipendenze masse spinte dal local tal universal, cun pussibilis ripercussions imediadis des crisis di chel, e c.i.) a propònin di tornà in cualchi maniere indaur, di ciatà gnovis formis di autarchie e autonomie local: tornà a le tiare e a le nature, tornà a le piciule comunitat di une volte.

Jo crodi che chist al sedi pussibil dome rinunziant, coerentementri, ancje a lis comuditas e a lis conquistis de civiltat moderne; che son parimentri tantis e grandis. No si pol dñeà che le tecnologie moderne e l'economie industrial no nus vedi fate le vite plui comude, ricje, lungje, libare, plene di possibilitas ancje di cressite cultural e spiritual. No crodi che le int sedi disponude a rinunzià al bon-stà di vuè -cun dutis lis sos ombris- per tornà a le autarchie, a le economie di sussistenze. Personalmentri, jo no soi dispost.

Cun dutis lis sos ombris, pensi che le societat dulà che nô vivin a vuè, massime fur dai granc' centros metropolitans, te regions de "tiarce Italie" e in altris pais avanzas dal Ocident, sedi le societat plui biele, juste, libare e plene che il mont vebi mai viodut. Cuant che si lei i scris dai "utopisc" e riformadors sociai, o ancje dai rivoluzionaris, dal '800, si è culpiis da sameance che lis sos "utopiis" an cul mont di cumò. Chel che sumiave int come Proudhon, Morris, Kropotkin, ma ancje i riformadors di bande catoliche -come, plui tart, Simone Weil- a vuè e son realtat; ancje se si son realizadis insieme tantis robis mostruosis che lor no varessin podut imaginà, miez di distruzion, droghe, consumisin, inquinament, e c.i. Ma che lis massis popolaris varessin podut gioldi di un nivel di sigurence, dignitat e libertat, e vivi in bielis vilutis cun ort e zardin, plenis di ogni ben di Diu, e cun tante possibilitat di ricreazion e culture, come tai nestris pais, chist al va ben al di là dai siums dai utopisc', riformadors e rivoluzionaris dal passat.

Nè pensi che si podi insumiasi di mantignì i vantaz da partigninze al sisteme metropolitan e mondial cence supuartà ancje i cosc' e i riscios, in tiarmis di condizionamens di tanc' tipos. No si pol vè aghe cjalde e frede, gas, eletricitat, benzine, high-fi, machinis di ogni sorte che nus sparagnin tante fature, medisinis, ospedai, mangiative di ogni sorte, libris, giornai, gitis, stipendio e pension, e tal stess temp pratindi di jessi parons dispotics di se stess, di ve plene autonomie e libertat a nivel di persone, di grop, di piciule comunitat; cence acetà di fa part dal sisteme global de civiltat moderne.

Però chist nol ul dì acetà dut chel che ven. Pensi che sedi pussibil frenà qualchidune das tendincis plui negativis di chel sisteme e incalmà in lui aspies positifs dal mut di vite di prime. Il sisteme nol è cussì determinat e inevitabil; nol è necessari rassegnasi ai soi difies e bruturis. Si pol miliorà.

Cussì pensi che te societat moderne e sedi pussibil tornà a dai flat a le autonomie local. Par diviars mutifs, si pol tornà a dài a le comunitat local un gnuf significat, te suage de societat global. In tun mont ch'al tind a le standardization, lis differensis localis sul plan dal caratar, de culture, de lenghe, de manieris di vistisi, di mangià, di fa-su lis cjasis, di lavorà, di vivi, e son une ricjece preziose. Le Coche Cole e le pizza, simbui dal cosmopolitisin, e àn un so valor che' no podìn dineà (no vin di fà i reazionaris, in propuesit); ma ancje il muset cu le brovade e il Ramandul son valors. Cussì l'ingles e i computers; ma ancje il furlan e lis pipinis di ~~soreal~~^{sorba}. No jè incompatibilitat. L'impuartant al è di no crodi che lis tradizions e i valors locai, dome parceleche son diferens di chei globali, e sedin mancul degn. In tal mont moderno, al è puest par dut.

Che che no pol essi mantignude e ricreade e jè le cunvinzion che il propi mut di pensà e vivi, le proprie culture e lenghe, i propri valors e prodoss, sedin i unics pussibii, i miors, i assolus. Bisugne rassegnasi a un ciart relativisin cultural, al pluralisin, a le tolerance, a le viargedure; e cuindi ancje a une ciarte insigurece, a le confusion, a le complessitat. Ma chistis son robis che dovìn sopaùrtà fintremai di cuant che Adam e Eve e àn mangjat il miluss da l'arbul de cognoscince.

Par finì, l'è clar che le pupilance dai valors locai e domande ancje le possibilitat di une ciarte autonomie aministrative, politiche e forsi ancje di control su le economie; e chist a ogni nivel, comprindut chel dai piciu pais. Jo crodi che sedi ancjemò un ciart spazit pal decentrament de competenzis ai nivei elementars de organizazion de societat (o dal sisteme metropolitan), ancje parceleche crodi che sedi a chist nivel che si formin chei rapuars sociali primaris, interpersonai, comunitaris, che formin le font di ogni valor uman, di ogni moral.

E crodi, infin, che chistis no sedin dome sperancis, ma tindincis in cors. Un poc in dut il mont avanzat si viot un gnuf interess pe tradizions localis, une cressite dal amor pal so pais, une ricerce di lidriis e identitat, di partignince e patriotisin, a chesc' nivei. Cjalin dome al fenomeno des sagris paesanis, o da fiestis pal decim-centenari, pas publicazions di storis di pais, e c.i.

Si capiss, son robis ancjemò superficialis e forsi elitaris, ma a me avis significativis. Forsi son dome une sbrume di vongule soflade in sens contrari a le curint fonde e largie e inarestabil de integrazion dai pais tal sisteme, des culturis localis in che global. O forsi son l'inizi di une cuintritendince, almancul parzial.

Vin di sperà; e continuà a soflà.